

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE**

Broj: 02-14-4-5450-4
Datum: 13.11.2019. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16,26/19 i 31/19), člana 70. stav (5) a u vezi sa članom 26. stav (2) tačka c) Zakona o javnim nabavkama („Službeni glasnik Bosne i Hercegovine”, broj 39/14) policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU
o rezultatima predkvalifikacije
„Nabavka municije za službeno naoružanje“**

I

Na osnovu obavještenja o nabavci, broj 16475-2-1-90-3-92/19, od 16.10.2019. godine., provedena je prva predkvalifikaciona faza ograničenog postupka „Nabavka municije za službeno naoružanje“.

II

Prihvata se preporuka Komisije iz zapisnika o ocjeni kvalifikacije kandidata, broj 02-14-4-5450-3, od 06.11.2019. godine, kojom su shodno dostavljenim zahtjevima za učešće kandidati „SHOT“ doo Zenica i Grupa ponuđača „Danilas doo Tešanj i Igman dd Konjic“ ocijenjeni kao nekvalifikovani, a kandidat „KM Trade“ doo kvalifikovan.

III

Kvalifikovanom ponuđaču „KM Trade“ doo Visoko će uz poziv za dostavu ponuda, biti dostupna tenderska dokumentacija za učešće u drugoj fazi postupka, putem portala za javne nabavke, nakon isteka roka za žalbu.

IV

Ova odluka stupa na snagu danom donošenja.

Obrazloženje

Na osnovu Odluke o pokretanju postupka broj 02-14-4-5450, od 15.10.2019. godine, obavještenja o nabavci, broj 16475-2-1-90-3-92/19, od 16.10.2019. godine., provedena je prva predkvalifikaciona faza ograničenog postupka „Nabavka municije za službeno naoružanje“. Procijenjena vrijednost nabavke iznosi 248.420,00 KM bez PDV-a.

Prema Zapisniku sa otvaranja ponuda od 01.11.2019. godine, u predkvalifikacionoj fazi postupka zahtjev za učešće su dostavili sljedeći kandidati: „SHOT“ doo Zenica, „Grupa ponuđača „Danilas doo Tešanj i Igman dd Konjic“, i „KM Trade“ doo Visoko.

Komisija je izvršila pregled i ocjenu dostavljenih zahtjeva za učešće, u skladu sa zahtjevima iz predkvalifikacione dokumentacije, te sačinila zapisnik o ocjeni kvalifikacije kandidata, broj 02-14-4-5450-4, od 06.11.2019. godine.

Pregledom i detaljnom analizom dostavljenih zahtjeva za učešće, Komisija je utvrdila:

Kandidat Shot doo Zenica u dostavljenom zahtjevu za učešće nije dostavio sve dokaze vezane za ispunjavanje tehničke i profesionalne sposobnosti, koji su zahtijevani prema članu 48. i 49. tačka a) Zakona i člana 12. Pravilnika iz područja odbrane i bezbjednosti i to: potvrdu o uspješno realizovanom jednom ugovoru iz oblasti predmetne nabavke (municija), u toku poslednje tri godine ili od datuma registracije ako je ponuđač registrovan poslije navedenog perioda u visini procijenjene vrijednosti nabavke, te se zahtjev za učešće odbacuje u skladu sa članom 68. stav 1) Zakona.

Grupa ponuđača Danilas doo Tešanj i Igman dd Konjic u dostavljenom zahtjevu za učešće u postupku nije dostavila sve dokaze vezane za: ispunjavanje lične sposobnosti kandidata prema Pravilniku iz područja odbrane i bezbjednosti, navedene pod e) i f) u tački 10 Tenderske dokumentacije, 1 Lična sposobnosti; ispunjavanje profesionalne sposobnosti prema članu 46. Zakona i dokaze tehničke i profesionalne sposobnosti, koji su zahtijevani prema članu 48. i 49. Zakona tačka a) Zakona i člana 12. Pravilnika iz područja odbrane i bezbjednosti i to: Rješenje o registraciji za promet oružja i vojne opreme kojim ponuđači dokazuju da su registrovani za promet roba posebne namjene PN 1 i PN 2, i promet roba vojne namjene ML1 do ML22, za članove grupe Danilas doo Tešanj i Igman dd Konjic; Rješenje o registraciji kod Ministarstva unutrašnjih poslova Republike Srpske ili Federalnog ministarstva unutrašnjih poslova, za promet eksplozivnim materijama, nije dostavljeno za člana grupe Danilas doo Tešanj; spisak izvršenih ugovora i potvrdu o uspješno realizovanom jednom ugovoru iz oblasti predmetne nabavke (municija), u toku poslednje tri godine ili od datuma registracije ako je ponuđač registrovan poslije navedenog perioda u visini procijenjene vrijednosti nabavke. Prema tome zahtjev za učešće se odbacuje u skladu sa članom 68. stav 1) Zakona, jer nisu dostavljeni svi dokumenti i na način kako je to predviđeno tenderskom dokumentacijom.

Kandidat „KM Trade“ doo Visoko je u zahtjevu za učešće, dostavio sve dokaze zahtijevane tenderskom dokumentacijom i dokazao da je kvalifikovan za učešće u drugoj fazi postupka.

Cijeneći prethodno navedeno riješeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba Ugovornom organu najkasnije u roku od 10 (deset) dana od dana prijema ove odluke u skladu sa članom 99. i 101. Zakona.

POLICIJSKI KOMESAR
Generalni inspektor policije

Nusret Selimović

DOSTAVITI:

1. Sektoru za materijalno-finsnsijske poslove
2. Komisiji
3. Kandidatima
4. Odjeljenju za odnose s javnošću radi objave na web stranici
5. a/a

